



ALVER
KOMMUNE

Retningsline for organisering av leksehjelptilbodet i dei offentlege grunnskulane i Alver kommune





Alver kommune skal gje tilbod om gratis leksehjelp i grunnskulen. Dette er heimla i opplæringslova § 1 3-7a:

«Kommunen skal ha eit tilbod om leksehjelp i grunnskolen.

Tilbodet skal vere gratis for elevane. Elevane skal ha rett til å delta på leksehjelptilbodet, men det skal vere frivillig om dei ønskjer å delta.»

I Alver kommune blir denne leksehjelpa lagt til 5.-1 0. trinn, og skulane har delegert ansvar til å organisere leksehjelpa ut frå lokale prioriteringar og storleik.

Saka har vore til høyring til skule og rådsorgan.

Innspelet som kom fram i høyringa, vart vurdert før politisk vedtak, fatta i utval for oppvekst, kunnskap og kultur den 15.3.21 .

Vi ber alle gjere seg kjend med innhaldet og oppmodar skulane om å involvere elevane både i førebuaende arbeid og i årlege evalueringar.

Lukke til med arbeidet.

Kristin Moe
Kommunalsjef oppvekst

Jan Ove Johansen
Tenesteleiar skule



ORGANISERING AV TILBOD OM LEKSEHJELP

I DEI OFFENTLEGE GRUNNSKULANE I ALVER KOMMUNE

Bakgrunn

Kommunen pliktar å ha eit tilbod om gratis leksehjelp i grunnskulen. Dette er heimla i opplæringslova § 13-7a:

«Kommunen skal ha eit tilbod om leksehjelp i grunnskolen. Tilbodet skal vere gratis for elevane. Elevane skal ha rett til å delta på leksehjelptilbodet, men det skal vere frivillig om dei ønskjer å delta.»

I Forskrift til opplæringslova, § 1A-1. Leksehjelp i grunnskolen, er rammene for leksehjelpordninga skissert:

«Kommunen skal tilby leksehjelp, jf. opplæringslova § 13-7a, med til saman åtte timar kvar veke til elevar i grunnskolen. Dei åtte timane fordelast fritt på årstrinna slik kommunen avgjer. Formålet med leksehjelpa er å gi eleven støtte til læringsarbeidet, kjensle av meistring og gode rammer for sjølvstendig arbeid. Leksehjelpa skal og medverke til å utjamne sosial ulikskap i opplæringa.

Leksehjelpa er ikkje ein del av opplæringa til eleven, men skal sjåast i samanheng med opplæringa. Leksehjelpa skal gi eleven hjelp med skolearbeidet.

Kommunen er ansvarleg for leksehjelpa og vel korleis leksehjelpa skal organiserast.

Kommunen pliktar å informere foreldra om retten til leksehjelp og tilbodet som gis.

Kommunen plikter å sørge for forsvarleg tilsyn med elevane i leksehjelpa. Gruppa må ikkje vere større enn det som er trygt og pedagogisk forsvarleg.

Leksehjelpa skal vere gratis for eleven. Dersom leksehjelpa blir organisert som ein del av skolefritidsordninga, kan kommunen ikkje ta betalt for den tida eleven mottok leksehjelp etter denne føresegna. Dette gjeld og for elevar som ikkje deltek i skolefritidsordninga elles.»

Dei tidlegare kommunane Radøy, Meland og Lindås har hatt ulik organisering av tilbodet om leksehjelp, og dette har vore vidareført inn i Alver kommune. Frå skuleåret 2022/23 etablerer vi ein felles praksis i høve til leksehjelp i dei offentlege grunnskulane i kommunen.



Rammer for tilbud om leksehjelp

Organisering

Tilbud om leksehjelp blir lagt til 5.-10. trinn, med følgjande fordeling av timane:

Mellomtrinn: 5 timar i veka, fordelt på 5.-7. trinn

Ungdomstrinn: 3 timar i veka, fordelt på 8.-10. trinn

Timane kan organsierast fleksibelt ut frå skulen sine prioriteringar og storleik, men alle skulane skal ha eit tilbud i samsvar med timefordelinga for mellomtrinn og ungdomstrinn.

Timane kan plasserast før undervisning, som ein midttime i skuledagen eller leggjast til etter undervisninga på slutten av dagen.

Den einskilde skule avgjer kva namn dei vil bruke på tilbudet.

Elevar og føresette skal få informasjon om tilbudet frå skulen.

Medverknad

Organisering av leksehjelp ved den einskilde skule skal drøftast i lokalt elevråd og i dei andre rådsorgana. Alle skulane må sikre god elevmedverknad før endeleg organisering blir fastsett.

Bemanning

Rektor er ansvarleg for organisering og bemanning (kompetanse) på leksehjelp. Gruppa må ikkje vere større enn det som er trygt og pedagogisk forsvarleg.

Betaling

Det skal vere gratis for elevane å delta på leksehjelp.

Evaluering

Den einskilde skule skal årleg evaluere leksehjelpordninga, og elevane skal vere tett involvert i denne evalueringa (korleis fungerer leksehjelpe hjå oss, korleis kan den bli betre?).

Skyss

Elevane har ikkje rett på gratis skyss etter leksehjelp.